

## Inatsisissatut siunnersuummut oqaaseqaatit

**Oqaaseqaatit nalinginnaasut**1. Aallaqqaasiut

Qitiusumik ilinniarfiit naatsorsuusiortarnerisa inatsimmi oqaasertanut tunngatillugu pisariaqartumik erseqqarinnissaat qulakkeerniarlugu Qitiusumik Naatsorsuuseriffiup (DCR) kissaa-teqarneranik siunnersuut aallaaveqarpoq. Inatsimmi naatsorsuutit pillugit aalajangersakkat oqaasertaasa Namminersorlutik Oqartussat naatsorsuusiortarnermi nalunaarsuiffiani naatsorsuusiortarnermut naapertuutinnerisa paasineqarneranik tamanna pissuteqarpoq. Siunnersuummi taamaalilluni siunertaavoq naatsorsuutit pillugit aalajangersakkani oqaasertaat periutsimut atorineqartumut aammalu Namminersorlutik Oqartusar naatsorsuusiortarnerat pillugu malittarisassanut nalinginnaasunut naapertuuttunngorlugit iluarsineqarnissaat.

Taassuma kingorna soraarummeertarneq pillugu naalunaarusiornissaq pillugu Nuummi Niuernermik ilinniarfimit apeqquteqaat tiguneqarpoq, siunnersuummilu tamanna akuersaarlugu aamma malinneqarpoq.

Naggasiullugu Danmarkimi Meeqqanut Ilinniartitaanermullu Ministeriaqarfiup inuussutissarsiutinut ilinniartitsinerit Danmarkimi neqeroorutigineqartunut tunngatillugu ajornartorsiut malugeqquaa, periusarli Kalaallit Nunaanni atorineqarpoq. Danmarkimi inuussutissarsiutinut ilinniartitsinerit pillugit inatsit Kalaallit Nunaanni atuutinnngimmat ilinniakkat pillugit ataatsimiititaliat Danmarkimi inatsit naapertorlugi pilersinneqartut Kalaallit Nunaanni suliffeqarfiit sungiusaammik suliffigineqartartut akuersissuteqarfigisinnaanngilaat. Tamanna assersuutigalugu nujalerisutut, grafikerisut aamma assarsorluni atisaliortutut ilinniartinneqarnermut tunngatillugu pingaaruteqarpoq. Suliffeqarfinnik sungiusaammik suliffigineqartartunik Kalaallit Nunaanni inuussutissarsiutinut imaluunniit qitiusumik ilinniarfinit ingerlanneqartunut tunngassuteqanngitsunik akuersinissamut Naalakkarsuisut pisinnaatitaannginnerat tassunga ilanngunneqassaaq.

2. Siunnersuummi immikkoortut pingaarnerita) Inatsisit atuuttut

Inatsisissatut siunnersuummi atuuttumi § 42-mi ersippoq qitiusumik ilinniarfiit naatsorsuusiussasut. Tamanna nalornilersitsivoq, imatut paasineqassanersoq inuussutissarsiutigalugu suliffeqarfiit ukiumoortumik naatsorsuusiortarnerat il.il. (ukiumoortumik naatsorsuutit pillugit inatsit) pillugu inatsisip Kalaallit Nunaannut atuutilersinneqarnera pillugu kunngip peqqussutaa nr. 1213, 7. december 2004-meersoq malillugu ukiumoortumik nalunaarusiornikkut ukiumoortumik naatsorsuutit inuussutissarsiutigalugu suliffeqarfiit naatsorsuusiortarnerat. Ukiumoortumik naatsorsuutini ukiumoortumik naatsorsuutit pillugit inatsit malillugu suliarineqartuni ilaapput illunik, sanaartukkanik, aningaasaliinernik annertunerusunik, maskiinanik il.il. nalikilliliinerit, taamaalillutillu Namminersorlutik Oqartussanut, tassunga ilanngullugit qitiusumik ilinniarfinit, naatsorsuutit pillugit malittarisassaannit nalinginnaasunit allaanerupput.

Tassunga peqatigitillugu Inatsisartut inatsisaanni atuuttumi § 27, imm. 4-mi ersippoq inuussutissarsiutigalugu qitiusumillu ilinniarfiit nalilersuisarnermut pilersaarutit suliarisaasa ilusilersorneqarnissaannik taamaallaat nalunaarusiornikkut killilersuinissamik pisinnaatitsisoqartoq, akerlianillu soraarummeertarneq pillugu nalunaarusiornissamut pisinnaatitsisoqarani.

Aammattaaq ilinniarfiit ingerlatsineranni sinneqartorutaasinnaasunik amigartoorutaasinnaasunillu ukiumut aningaasaliiffimmut tullermut qitiusumik ilinniarfiit nuutsisinnanerat pillugu inatsimmi atuuttumi § 42, imm. 4-mi oqaaseqaatini ersippoq, aalajangersakkami piumasaaqaa-taasoq aningaasanut inatsimmi oqaaseqaatitaqassasoq, tassanilu allassimassallutik nikerarnerit annertussusissaattut akuerineqarsinnaasunut tunngatillugu amerlanerpaaffissat ikinnerpaaffis-sallu. Tassunga peqatigitillugu ilisimatitsissutigineqarsinnaavoq oqaaseqaat oqaaseqaatini taaneqartoq aningaasanut inatsimmi allassimasoq.

Inatsisartut inatsisaanni atuuttumi § 25, imm. 1-imi allassimavoq, ilinniartut sungiusaammik sulillutik ilinniarnerat suliffeqarfimmi ataatsimi arlalinniluunniit qitiusumik ilinniarfiit siulersuisuinit imaluunniit inuussutissarsiutigalugu ilinniarfiit brancheudvalgiannit akuerisaasuni ingerlanneqartassasoq. Kisiannili aalajangersakkami taamaallaat pineqarput inuussutissarsiutinut ilinniarnert Kalaallit Nunaanni neqeroorutigineqartut. Aammattaaq Inatsisartut inatsisaanni § 44, imm. 1-imi ersippoq qitiusumik ilinniarfiit siulersuisui imaluunniit inuussutissa-siutinut ilinniarfiit brancheudvalgii suliffeqarfinnik sungiusaammik suliffiusinnaasunik akuersisartuusut. Tassunga peqatigitillugu akuersisarneq ilinniakkanut Kalaallit Nunaanni qitiusu-mik ilinniarfinit imaluunniit inuussutissarsiutinut ilinniarfinit neqeroorutigineqartunut tunngavoq. Kisiannili Kalaallit Nunaanni qitiusumik imaluunniit inuussutissarsiutigalugu ilinniarfinit neqeroorutigineqanngitsunut Danmarkimili inuussutissarsiutinut ilinniarfinit neqeroorutigineqartunut tunngatillugu sungiusaammik sulineq Kalaallit Nunaanni suliffeqarfimmi ingerlanneqarualuortoq suliffeqarfinnik sungiusaammik suliffiusinnaasunik akuersisar-neq pillugu malittarisassiortoqarnikuunngilaq.

#### b) Siunnersuut

Siunnersuummi siunertaavoq Namminersorlutik Oqartussani naatsorsuusioriaatsit aamma inuussutissarsiutinik ilinniartitsinerit aamma inuussutissarsiutinik ilinniartitsinerup iluani pik-korissaanerit pillugit Inatsisartut inatsisaanni § 42-mi oqaasertat ataqatigiisitsilernissaq.

Aammattaaq pisinnaatitsineq pillugu aalajangersakkamik siunnersuut imaqarpoq, taassumalu kingorna nalunaarut atorlugu inuussutissarsiutigalugu ilinniartitsinerni soraarummeertarnernik killilersuinissamik Naalakkersuisut pisinnaatinneqarlutik.

Taaassuma saniatigut siunnersuummi siunertaavoq inatsimmi atuuttumi § 42, imm. 4-p aala-jangersakkamullu oqaaseqaatit oqaatsit atorneqartut akornanni ataqatuguussutsilernissaq.

Naggasiullugu siunnersuummi siunertaavoq inuussutissarsiutigalugu ilinniartitsinernut Ka-laallit Nunaanni qitiusumik imaluunniit inuussutissarsiutinut ilinniarfinni neqeroorutigine-qanngitsunut Danmarkimili neqeroorutigineqartunut tunngatillugu Kalaallit Nunaanni suliffe-qarfinnik sungiusaammik suliffiusinnaasunik Naalakkersuisut akuersisinnaanerannik pisin-naatitsilernissaq.

### 3. Pisortanut aningaasatigut allaffissornikkullu kingunissai

Inatsisissatut siunnersuut Kalaallit Nunaanni Namminersorlutik Oqartussanut kommuninuluunniit aningaasatigut allaffissornikkulluunniit kinguneqanngilaq.

### 4. Namminersortunut aningaasatigut allaffissornikkullu kingunissai

### 5. Avatangiisinut, pinngortitamut innuttaasullu peqqissusaannut kingunissai

Inatsisissatut siunnersuut avatangiisinut pinngortitammullu kinguneqanngilaq.

### 6. Innuttaasunut kingunissai

Inatsisissatut siunnersuut innuttaasunut kinguneqanngilaq.

### 7. Kingunissai allat pingaaruteqartut

Inatsisissatut siunnersuut Naalagaaffeqartigiinnermut imaluunniit namminersorluni oqartusaanerup atuutilersinnerata ingerlateqqinneranut tunngatillugu kinguneqanngilaq.

### 8. Oqartussanut kattuffinnullu tusarniaaneq

Inatsisissatut siunnersuut piffissami 9. Januar 2012-imiit 13. Februar 2012-imut ukununga tusarniaassutigineqarpoq:

Siulittaasup Naalackersuisoqarfia

Ineqarnermut, Attaveqarnermut Angallanermullu Naalackersuisoqarfik

Aningaasaqanermut Naalackersuisoqarfik

Aalisarnermut, Piniarnermut Nunalernermullu Naalackersuisoqarfik

Inuussutissarsiornermut Suliffeqarnermullu Naalackersuisoqarfik

Isumaginninnermut Naalackersuisoqarfik

Peqqissutsimut Naalackersuisoqarfik

Nunamut Namminermut, Pinngortitamut Avatangiisinullu Naalackersuisoqarfik

Ilaqutariinnermut, Kultureqarnermut, Ilageeqarnermut Naligiissitaanermullu Naalackersuisoqarfik

Aatsitassarsiornermut Ikummatissanullu Pisortaqarfik

KANUKOKA

Qitiusumik Ilinniarfiit

Savaatilinnorniat Ilinniarfiat

Peqqissaanermik Iliniarfik

Aalisartunut Piniartunullu Ilinniarfik

Ilusilersuinnermut Ilinniarfik

Perorsaanermut Ilinniarfik

SIK

GA

NUSUKA

KIK

IMAK

## KNAPK

Inuussutissarsiuutini Pisinnaasanillu Ineriartortitsinermut Siunnersuisoqarfiit  
Brancheudvalgini siulittaasut

Tusarniaanerp naanerani tusarniaaffigineqartunit ukuninnga akissutit tiguneqarput: Nunan-  
mut Namminermut, Pinngortitamut Avatangiisunullu Naalackersuisoqarfik, Ineqarnermut,  
Attaveqarnermut Angallanermullu Naalackersuisoqarfik, Ilaqutariinnermut, Kultureqarner-  
mut, Ilageeqarnermut Naligiissitaanermullu Naalackersuisoqarfik, Aningaasaqarnermut Naa-  
lackersuisoqarfik, SIK aamma GA siunnersuummut oqaaseqaatissaqanngitsut. Taassuma sa-  
niatigut Qitiusumik Ilinniarfiit Ataatsimut Siunnersuisoqatigiiffiannit tusarniaanermi akissut  
tiguneqarpoq, aammalu KANUKOKA-mit, Kommuneqarfik Sermersuumit aamma Qeqqata  
Kommunianit tusarniaanermi akissutit piffissap tusarniaaffiusup naanerani tiguneqarput.

GA-lli tusarniaanermi akissummi apeqquuserpaa siunnersuummi § 42, imm. 7 malillugu naat-  
sorsuutini kukkunersiuinermut atatillugu siulersuisut kukkunersiuusumik pissarsiniarsinnaa-  
nersut, tassunga ilanngullugu taamaattoqarpat aningaasartuutit kiap akilissanerai. Tassunga  
oqaatigineqassaaq aalajangersagaq Inatsisartut inatsisaanni atuuttumi § 42, imm. 6-imik in-  
gerlatitseqqiinerusooq aammalu kukkunersiuineq Namminersorlutik Oqartussat kukkunersiu-  
sunit maannakkutut ingerlanneqartassasoq. Qitiusumik ilinniarfiit taamaalillutik kukkuner-  
siusussamik piniarsinnaanngillat, taamaammallu aalajangersagaq qitiusumik ilinniarfintut  
tunngatillugu aningaasartuuteqarnermik kinguneqassanngilaq. Aammattaaq aningaasatigut  
kingunissai pillugit oqaaseqaatit immikkoortuanni allaqqavoq tamatigut ilimagineqartoq siun-  
nersuut aningaasatigut kinguneqassanngitsooq.

GA-p aammattaaq oqaatigaa sungiusaammik suliffinnik akuersisarnermi allaffissornikkut  
suliaqartarnerup aqqissuunneqarnissaa pillugu Danmarkimi De Faglige Udvalgip allattoqar-  
fianut Ilinniartitaanermut Ilisimatusarnermullu Naalackersuisoqarfik isumaqatigiissuteqarta-  
riaqartoq aammalu svenditut allagartat suliarineqartarnerat pillugu apeqquut aqqiivigineqarta-  
riaqartoq.

Qitiusumik Ilinniarfiit Ataatsimut Siunnersuisoqatigiiffiat siunnersuummi immikkoortunik  
naammagisimaarinninnerup saniatigut tassunga atatillugu oqaatigaa Danmarkimi ilinniarn-  
nut tunngatillugu sungiusaammik suliffinnik Naalackersuisut piviusuni akuersisinnaanerat  
qitiusumik ilinniarfiit ilaasa qularalugu oqaatigaaq.

Tassunga oqaatigineqassaaq Ilinniartitaanermut Ilisimatusarnermullu Naalackersuisoqarfik  
Meeqqaanut Ilinniartitaanermullu Ministeriaqarfimmik (MBU-mik) januarimi 2012-imi ata-  
simeeqateqarnikoq, tassanilu Danmarkimi ilinniartitsinernut atatillugu Kalaallit Nunaanni  
sungiusaammik suliffinnik akuersisarneq pillugu apeqquut oqaloqatigiissutigineqartoq.

MBU-p tassunga atatillugu ilisimatitsissutigaa Danmarkip avataani ingerlanneqartut pineqa-  
raangata ingerlanneqartut akuerineqarsinnaanersut atuarfiit ataasiakkaat namminneq naliler-  
suisassasut. Taamaalilluni imaanngilaq Danmarkimi ilinniakkanut ataatsimiititaliat pissutsit  
taakku pinngitsooratik akuliuffigissariaqaraat. Aammattaaq ilisimatitsissutigineqarpoq sun-  
giusaammik sulinerit taaguuteqaraangata ”ilinniarnermut atatillugu akissarsiaqarluni sulineq”  
sungiusaammik suliffinnik atuarfiit akuersisassasut. MBU-p aamma tassunga peqatigitillugu  
oqaatigaa Ilinniakkanut Ataatsimiititaliat Ataatsimoorullugu Ataatsimiititaliaata ilinniakkanut  
ataatsimiititaliat peqataatinneqarnissaannik isumaqatigiissuteqarsinaanera akornutissaqanngit-  
soq. MBU-p aammattaaq ilisimatitsissutigaa tamanna pisariaqartinneqassappat atuarfintut

tunngatillugu ikiuukkusussinnaallutik. Eqqarsaatigineqavissoq tassaavoq akuersinermi sule-riaaseq imatut ingerlanneqassasoq Danmarkimi inuussutissarsiutinut ilinniarfiit ilinnikkanik pineqartunik neqeroorteqartut inassuteqaataat tunngavigalugu Ilinniartitaanermut Ilisimatusarnermullu Naalakkersuisoqarfik akuersisartuulluni.

Qeqqata Kommuniata aamma Kommuneqarfik Sermersuup tusarniaanermi akissutaat KANUKOKA-p innersuussutigai. Kingullertut taaneqartup oqaatigaa siunnersuummut tamanut tunngatillugu oqaaseqaatissaqarani, kisiannili erseqqarinngitsoq Danmarkimi ilinniarnernut tunngatillugu Naalakkersuisut ataanni Kalaallit Nunaanni ilinniarfinnik aalajangiisartut sorliit ilinniarfinnik siunissami akuersisartuussanersut. Tassunga tunngatillugu GA-p aamma Qitiu-sumik Ilinniarfiit Ataatsimoorullugu Siunnersuisoqatigiivisa tusarniaanermi akissutaannut oqaaseqaat qulaaniittoq innersuussutigineqaannassaaq. Tamassuma kingorna pilersaarutaavoq Danmarkimi inuussutissarsiutinut ilinniarfiit ilinniakkanik pineqartunik neqeroorteqartut inassuteqaataat tunngavigalugit Ilinniartitaanermut Ilisimatusarnermullu Naalakkersuisoqarfik akuersisassasoq.

Qeqqata Kommuniata tusarniaanermi akissutaa eqqarsaatigalugu kommunip oqaatigaa qitiu-sumik ilinniarfinni ilinniartunngortinneqartut siusinnerusukkut ilinniarnerninnik aallartitsinissaminnik ukioq ataaseq sinnerlugu utaqqisarnikuusut, tamannalu ilinniartuq suliffeqarfim-mik ilinniarfissamik aatsaat kingusinnerujussuakut nassaarput pisinnaasoq. Kommunip tas-sunga tunngatillugu assersuutitut oqaatigaa ilinniartunngortinneqarneq ukioq ataaseq qan-giuttoq ilinniarneq aallartinneqanngikkaangat nutaamik qinnuteqarnissaaq qitiu-sumik ilinniar-fiit piunasaqaateqarsinnaasut. Kommunip tamanna tunngavigalugu kissaatigaa qinnuteqartoq sungiusaammik suliffissamik nassaarsimangippat ilinniartunngortinneqarneq qanoq sivi-sutisumik atuutitinneqassanersoq pillugu aalajangersakkamik ilanngussisoqassasoq. Tassunga tunngatillugu oqaatigineqassaaq taamatut piffissaliineq pillugu inatsimmi erseqqissumik al-lassimasoqanngitsoq, tassungalu taarsiullugu pilersaarutit ataasiakkaat inatsimmi § 5, imm. 2 tunngavigalugu ilinniartitsinermut qitiu-sumik ilinniarfiit suliarisaat aammalu Ilinniartitaaner-mut Ilisimatusarnermullu Naalakkersuisoqarfimmit akuerineqartussat tunngavigalugit taman-na killilersorneqartoq. Tassunga tapiliullugu inatsimmi § 7, imm. 1-imi ersippoq inuussutis-sarsiutigalugu ilinniartitsinerni assigiinngitsuni ilinniartunngorsinnaaneq ilinniarfiit ilinniartit-sinermut pilersaarutaanni suliarineqarnikuusuni aalajangersarneqassasoq. Inuussutissarsiuti-nut ilinniartitsinerit assigiinngitsut assigiinngillat, aaqqissuussaaneq imaluunniit ilinniagaqar-nissamat pisinnaasassat eqqarsaatigalugit aammalu teknologip ineriartornera inuussutissarsiu-tinut ilinniartitsinernut sunniisartuq pissutigalugu ilinniartitsinerit allanngupallattarnerat inuussutissarsiutinut ilinniartitsinerit ilisarnaatigaat. Taamaammat ilinniartunngortitsinissamat piunasaqaatit allanngorsinnaapput, taamaammalu qinnuteqartup piffissap ilinniartunngortin-neqarfiup kingorna ilinniarnermik qaqugukkut aallartitsisinnaanera pillugu aalajangersakkat ilinniartitsinermut pilersaartuni inuussutissarsiornermut ilinniarfinnik ataasiakkaanik killiler-suisuni aalajangersarneqarnissaa pissusissamisoornerusutut isigineqarpoq.

## **Inatsisissatut siunnersuummi aalajangersakkanut ataasiakkaanut oqaaseqaatit**

### *§ 1-imut*

Nr. 1-imut

Aalajangersagaq nutaajuvoq, aammalu inaarutaasumik nalilersuinerit pillugit Naalackersuisut malittarisassiorsinnaanerannik pisinnaatitsinissaq siunertaallunilu, tassunga ilanngullugit soraarummeertarneq aamma uppersaasioq. Taassuma saniatigut, inaarutaasumik nalilersuisarneq uppersaasioqartarneq pillugit malittarisassani suut ilanngunneqarnissaannik aalajangersagaq tamakkiisumik imaqanngilaq.

Soraarummeertarneq misilitsittarneq pillugit malittarisassiornermut tunngatillugu aalajangersagaq taamaallaat atorpeqarsinnaavoq, aammalu soraarummeerneq misilitsinnerillu ingerlanneqarneq ataatillugu malittarisassiorneq taamaallaat siunertaalluni, oqaluttarissamik allaganngorlugillu soraameerneq misilitsinnerilluunniit pineqarnersut apeqquaatinnagu aammalu eqimattakkaarlu soraarummeerneq tunngatillugu malittarisassat atorpeqarsinnaapput.

Kisiannili ilinniartitsinerit ataasiakkaanut tunngatillugu soraarummeeriaatsit pillugit apeqquut nalunaarummi killilersorneqassanngilaq, tassa soraarummeeriaatsimik misilitseriaatsimilluunniit toqqaaneq ilinniartitsinerit pilersaarutini ilinniartit nammeneq suliarisaanni tassunga tarsiullugu allassisassamat. Assersuutigalugu soraarummeerneq svenditit misilitsinnerit ilaanerit pillugu apeqqummut tunngatillugu tamanna aamma atuuppoq.

Tassunga tunngatillugu misilitsinnerit imatut paasineqassapput misilitsinnerit atorlugit inaarutaasumik nalilersuinerit, taakkulu ilinniartup soraarummeerneq ilinniagaqarneq mulluunniit uppersaataani allanneqassapput, misilitsinnerit pineqartoq tassaavoq assersuutigalugu piffissap qiteqqunnerani misilitsinnerit imaluunniit terminimi misilitsinnerit, taakkunani angusat ilinniartup soraarummeerneq ilinniagaqarneq mulluunniit uppersaataani allassisassamat.

Soraarummeertarneq misilitsittarneq pillugit nalunaarutip suliarineqarneq ataatillugu aalajangersakkap salliutillugu atorpeqarsinnaavoq, taannalu malittarisassamik tamanut atuuttunik ilinniartit ilinniartunillu soraarummeerneq misilitsinnerillu ataatillugu isiginiarneqartussamik imaqassaaq. Soraarummeerneq ataatillugu ilinniartut eqqunngitsuliorlutik ikorneqarneq akornusissuilluunniit iliuuseqarneq soraarummeerneq peersitsisarnerit pillugit malittarisassiornermi aalajangersagaq aamma atorpeqarsinnaavoq aammalu soraarummeerneq takkutinnitsoorneq kingunissaat pillugit malittarisassioqarsinnaalluni.

Aammattaq censorit censorinillu toqqaasarneq pillugit malittarisassioqarsinnaavoq. Taassuma saniatigut soraarummeerneq soraarummeerneq angusanik nalunaaruteqartarneq pillugu malittarisassiornermut aalajangersagaq atorpeqarsinnaavoq, tassunga ilanngullugit soraarummeerneq angusanik toqqorsisarneq, aammalu soraarummeerneq kukkunertut amigaatinillu tunngatillugu, assersuutigalugu soraarummeerneq tunngaviit imaluunniit soraarummeerneq naliliinerit pillugit, qisuariiateqarnissamut periarfissat pillugit malittarisassioqarsinnaavoq,.

Nr. 2-mut

Imm. 1-imut.

Aalajangersagaq inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni nr. 10, 19. maj 2010-meersumi § 42, imm. 1-mik allannortinnagu ingerlatitseqqiuerneruvoq, tassani ersilluni missingersuutit

naatsorsuutillu eqqarsaatigalugit malittarisassanik pisortat suliffeqarfiinut nunap karsianit aningaasalersorneqartunut allanut atuuttunik qitiusumik ilinniarfiit malinnittussaataasut. Aalajangersagaq aamma isumaqarpoq qitiusumik ilinniarfiit missingersuutit naatsorsuutillu pillugit malitassanik aalajangersimasunik malinnittussaataasut, tassunga ilanngullugit missingersuutini sinaakkutinik ataqqinninnissamut tunngatillugu aammalu allaffissornermi suleriaasissatut aalajangersakkanik malinnittussaataaneq.

Imm. 2-mut.

Aalajangersagaq nutaajuvoq, siunertaallunilu nunap karsianit tapiissutit pillugit immikkut naatsorsuuteqarnissap erseqqissarneqarnissaa, taamaalilluni assersuutigalugu ingerlatsinerit isertitanit matussuserneqartartut naatsorsuutini ilanngunneqartussaananik.

Imm. 3-mut.

Aalajangersagaq Inatsisartut inatsisaanni atuuttumi § 42, imm. 2-mik annertunerusutigut ingerlatitseqqiineruvoq, kisiannili imaalillugu ”ingerlatsinerimut naatsorsuutit” uuminnga ”naatsorsuutit” taarserneqarluni, tassani siunertaalluni ukiumoortumik naatsorsuutit pillugit inatsit malillugu naatsorsuutit pineqanngitsut. Taamaalilluni assersuutigalugu nalikilliliinerit sanaartornermilu aningaasartuutit ingerlatsinerimut naatsorsuutini ilanngunneqartussaangillat.

Imm. 4-mut.

Aalajangersagaq inatsimmi atuuttumi § 42, imm. 3-mik ingerlatitseqqiineruvoq, tassani qitiusumik ilinniarfiit ingerlatsineri assigiinngitsut missingersuutini naatsorsuutinilu immikkootinnissaat pillugu Naalakkersuisut itisiliissutinik malittarisassiornissamut pisinnaatinneqarlutik.

Imm. 5-mut.

Aalajangersagaq inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni atuuttumi § 42, imm. 4-mik ingerlatitseqqiineruvoq. Kisiannili inatsimmi atuuttumi § 42, imm. 4-mut oqaaseqaatit malillugit siunnersuummi erseqqissarneqarpoq nuutsisinnaanerup annertussusia aningaasanut inatsimmi aalajangersarneqartoq.

Imm. 6-imut.

Aalajangersagaq Inatsisartut inatsisaanni atuuttumi § 42, imm. 5-imik ingerlatitseqqiineruvoq, aammalu siunnersuutigineqarpoq erseqqissarneqassasoq ingerlatsinerimut naatsorsuutit pineqartut, takuuk imm. 3-mut qulaani oqaaseqaatit, tassani ukiumut naatsorsuutit pillugit inatsit malillugu naatsorsuutit pineqanngitsut allaqqalluni.

Imm. 7-imut.

Aalajangersagaq inatsimmi atuuttumi § 42, imm. 6-imik ingerlatitseqqiineruvoq, kisiannili siunnersuutigineqarluni erseqqissarneqassasoq ingerlatsinerimut naatsorsuutit pineqartut, aammalu siunnersuutigineqarluni ilanngunneqassasoq kukkuinersiuinermi nalunaarut ingerlatsinerimut naatsorsuutinut ilanngunneqassasoq, tassani naatsorsuutinut kukkuinersiuusut oqaaseqaataat allaqqallutik.

Imm. 8-mut.

Aalajangersagaq Inatsisartut inatsisaanni § 42, imm. 7-imik ingerlatitseqqiineruvoq, taassuma kingorna qitiusumik ilinniarfiit ingerlatsinerisa erseqqissarnissaat uppernarsarnissaallu siunertaralugu naatsorsuutit avammut saqqummiunneqarnissaat piumasaqaataalluni. Tassunga ata-

tillugu siunnersuutigineqarpoq ingerlatsinermut naatsorsuutit pineqartut aalajangersakkami tassani aamma erseqqissarneqassasoq.

Imm. 3-mut

Ilinniartitsinernut qitiusumik inuussutissarsiutinulluunnit ilinniarfiit pisinnaatitaaffiitut ilaanngitsunut tunngatillugu suliffeqarfinnik sungiusaammik ilinniarfiusartunik Naalakkersuisut akuersisinnaanerannik erseqqarissumik pisinnaatitsinerup ilannguneqarnissaa aalajangersakkami siunertaavoq, tamannalu nalinginaasumik oqaaseqaatini oqaatigineqartutut ilinniarnernut assersuutigalugu Danmarkimi inuussutissarsiutinut ilinniarfinnit neqeroorutigineqartut pineqarput. Kalaallit Nunaanni suliffeqarfinnik sungiusaammik suliffiusartunik Naalakkersuisut aalajangersakkap kingunerisaanik akuersisinnaapput, aamma inuussutissarsiutinut ilinniarnernut Kalaallit Nunaanni neqeroorutigineqanngitsunut tunngatillugu.

Nr. 4-mut

Nr. 3-p kingunerisaanik aalajangersagaq naqqiineruvoq. Aalajangersakkami erseqqissarneqarpoq qitiusumik ilinniarfiit siulersuisuisa imaluunniit inuussutissarsiutinut ilinniarfiit brancheudvalgiisa suliffeqarfiit sungiusaammik suliffigineqarsinnaasunik akuersineri kisimik Naalakkersuisunut suliassanngortinneqarsinnaasut. § 25, imm. 1-ip kingunerisaanik naqqiissuteqarnissaq pisariaqartutut isigineqanngilaq, tassa inuussutissarsiutinut ilinniartitsinernik Kalaallit Nunaanni qitiusumik ilinniarfiit imaluunniit inuussutissarsiutinut ilinniarfiit neqeroortaannik akuersisarneq aalajangersakkami tassani taamaallaat pineqarmat.

#### *§ 2-mut*

Siunnersuutigineqarpoq Inatsisartut inatsisaat ulloq 1. januar 2013-imi atuutilersinneqassasoq, tamannalu qitiusumik ilinniarfiit ukioq aningaasaliiffiusoq malillugu ukiumoortumik naatsorsuusiortarnerannik tunngivilersorneqarpoq.